

Antologi sajak satukan dua negara serumpun



Dari kiri, Mohd Khair, D Zawawi, Shamsudin dan Kartini pada Majlis Pelancaran Naskhah Segugus Percakapan Cinta di Bawah Matahari di Panggung Utama IIBF 2017, Jakarta.

[FOTO IHSAN ITBM]

Oleh Hafizah
Iszahanid
hafizah@bh.com.my

■ Jakarta, Indonesia

dan tidak hanya terhad di Indonesia," katanya.

Beliau berkata demikian pada Majlis Pelancaran Naskhah Segugus Percakapan Cinta di Bawah Matahari di Panggung Utama Pesta Buku Antarabangsa Indonesia (IIBF) 2017 di Pusat Konvensyen Jakarta (JCC) di sini, kelmarin.

Yang turut hadir Pengarah Urusan dan Ketua Pegawai Eksekutif Institut Terjemahan & Buku Malaysia (ITBM), Mohd Khair Ngadiron; Shamsudin dan Zawawi.

Penerbitan antologi puisi Segugus Percakapan Cinta di Bawah Matahari menjadi usaha menyatukan dua negara melalui sastera.

Antologi itu membabitkan penyair dari Malaysia, Dr Shamsudin Othman dan penyair veteran Indonesia, D Zawawi Imron

Pimpinan Yayasan Obor, Kartini Nurdin, berkata pihaknya memilih menerbitkan sajak Zawawi kerana kualiti dan keistimewaan dalam setiap sajak yang dihasilkan.

"Faktor itulah yang menyebabkan kami berasaskan karya Zawawi perlu dimasyarakatkan di Malaysia

Lambang persahabatan

Kartini berkata, penerbitan naskhah itu juga bukan hanya lambang persahabatan dua negara, bahkan sebagai simbol kepada perhubungan antara manusia.

Sementara itu, Mohd Khair berkata, ketika Yayasan Obor mencadangkan untuk menerbitkan sa-

jak Zawawi, ITBM memilih menggandingkannya dengan Shamsudin yang juga Pensyarah Kanan Fakulti Pengajian Pendidikan, Universiti Putra Malaysia (UPM).

Nuansa berunsur Islam

"Ini berdasarkan puisinya yang menyamai nuansa puisi yang dibawakan Penerima Anugerah Penulisan Asia Tenggara (SEA Write) dari Indonesia terbabit, iaitu berunsurkan keislaman dan kemanusiaan," katanya.

Naskhah Segugus Percakapan Cinta di Bawah Matahari memuatkan 101 sajak, iaitu 51 yang menjadi karya Shamsudin dan bakinya tulisan Zawawi.

IIBF 2017 yang berlangsung kelmarin sehingga Ahad ini, turut membabitkan delegasi Malaysia yang dikelola oleh ITBM dan Perbadanan Kota Buku (PKB).